


AN SORCAS

**Cuntas Reatha**

Dhoirt an fear grinn uisce ar an moncaí. Is beag nár bháigh sé é. Amach leis na heilifintí ansin.

Agallamh

MICHEÁL: Ba mhaith liom marcaíocht a fháil ar an eilifint mhór sin.

ÚNA: B'fhéidir go dtitfeá anuas de.

TREASA: Chuirfeadh an t-ainmhí ramhar sin eagla orm.

Cuntas Reatha

Bhí brón orthu nuair a bhí an sorcas thart.

Pictiúr: Radharc:

An seomra suite, Seán, Máire, Micheál, Úna, Treasa ina suí ag féachaint ar an teilifís; banna ceoil, moncaí ag rothaíocht, Micheál agus é ag marcaíocht ar eilifint a chur sa chiorcal cainte de réir bhrí na cainte; an fear grinn ag caitheamh uisce leis an moncaí.

Céim 4: Bronntanas.

Gníomhartha agus geáitsíocht a dhéanamh de réir mar a bhíonn gá leo.

CÉIM 1. CLOISTEÁIL AGUS AITHINT

Bhí sorcas ar an teilifís. Bhí na páistí ag féachaint air. Bhí a gcairde in éineacht leo.

Agallamh

SEÁN: Éistigí! Nach bhfuil ceol an tsorcais go hálainn?

NA PÁISTÍ: Lig amach an moncaí chugainn!

MÁIRE: Ó féach ar an rothar anois é!

CÉIM 2. AITHRIS**CÉIM 3. ATHRÁ Ó SPREAGTHAIGH**

(a) Spreagthaigh shúl (mar atá i gCéim 1);

(b) Spreagthaigh chluas:

Céard a bhí ar an teilifís?

Céard a bhí á dhéanamh ag na páistí?

Bhí páistí eile leo?

Tusa, a “Sheáin”, céard a deir tú faoi cheol an tsorcais?

Abraigí le fear an tsorcais an moncaí a ligean amach.

Cá bhfuil an moncaí, a “Mháire”?

Céard a rinne an fear grinn?

Agus céard faoin moncaí bocht?

Tháinig ainmhithe eile amach ansin?

Céard ba mhaith leatsa a dhéanamh, a “Mhichíl”?

Céard is dóigh leat a tharlódh, a “Úna”?

Céard a dhéanadh an t-ainmhí ramhar sin, a “Threasa”?

Is dócha go raibh áthas orthu nuair a bhí deireadh leis an sorcas?

CÉIM 4. CLEACHTADH MÚNLAÍ AGUS FOCLÓRA

1. **Bhí na páistí ag féachaint ar an teilifís.**
(inné; inniu; amárach; dá mbeadh an oíche ann; ní, an? inné;
ní, an? inniu; ní, an? gach lá.)
2. **Lig amach an moncaí chugainn.**
(tusa; eisean; ise).
3. **Is beag nár bháigh sé é.**
(maraigh; bris; gortaigh; abair; faigh; déan).
Cleachtadh a thabhairt ar “Is beag nár (nach)
i gcomhthéacsanna eile.
4. **Chuirfeadh an t-ainmhí ramhar sin eagla orm.**
(peata tinn/brón; bronntanas álainn/áthas; duine dána/fearg;
cáca milis/ocras; lá te/tart).

CÉIM 5. SAORCHOMHRÁ CRUTHAITHEACH

1. **Dráma a bhunú ar an sorcas. Mím a úsáid.**
2. **Páistí éagsúla ón rang ag insint faoi chleasa a chonaic siad féin ag an sorcas. Ceisteanna ó pháistí eile.**
3. **Cuntais ó pháistí ar chláir theilifíse eile a chonaic siad.**
4. **Thit an moncaí den rothar. An scéal a insint.**
5. **Agallamh idir na páistí agus an fear grinn.**

Rann Ceoil (An ceol ar théip)

Curfá

Sorcas ar an teilifís, an teilifís, an teilifís,
Sorcas ar an teilifís, spórt is scléip is ceol.

I

Cuid mhaith daoine ag an sorcas, páistí beag' is mór'
Moncaí beag ar rothar, fear grinn sa tóir.

II

Eilifint sa sorcas, cailín ar a dhroim,
Banna ceoil ag seinm, nach é atá go binn?

COMHRÁ MÍFHOIRMIÚIL

A

An raibh tú ag sorcas riamh?
Cá raibh sé ar siúl?
Cé mhéad a bhí ar dhul isteach?
Cén t-am ar thosaigh an sorcas?
Céard a rinne (a) an fear grinn; (b) an eilifint; (c) na moncaithe?
An raibh leoin agus tíogair ann?
Ar thaitin sé go mór leat?
Cén t-am a raibh sé thart?

B

Druileanna a dhéanamh ar na briathra seo a leanas san Aimsir
Chaite, san Aimsir Fháistineach agus san Aimsir Ghnáthláithreach:

Nigh, Triomaigh.

Ar nigh tú tú féin ar maidin?
Céard a **dhéanfaidh** tú sa seomra folctha maidin amárach?
Céard a **dhéanann** tú sa seomra folctha gach maidin?
Céard a **rinne** tú leis an tuáille?
Céard a **dhéanfaidh** tú leis an tuáille amárach?
Céard a **dhéanann** tú leis an tuáille gach lá?